

Кому Республикаса том войтырлөн газет



Изьваса
школалы -



180

«Йёлгәлөн» тайё номерыс аслыспөлөс - газетнымөс быдсөн сиим Изьваса школалөн 180 арөса тшупөда паслы. Мыйөн талун олө сэтчөс школа, кодъяс зильоны-уджалоны да мыйын водзмөстчөны - ставыс тайё петасын. А медводз сетам кыв, дерт жө, школаөн веськөдлысь Елена Георгиевна Пудковалы.

«Ставыс лоө лючки-ладнө!»

Изьваса школалы 180 во тырөм водзын окота унатор висьтавны, петкөдлыны да гижны. Та мында вонад өд эм мыйөн петкөдчыны: вөвлөм да онія уджалысьяс, кодъяслы тайё уджыс нэм кежлө мусмөма, талунъя ныв-зон, кодъяс быдмөны-сөвмөны, босьтөны топыд төдөмлун, школа помалысьяс, кодъяс регыд на либө важөн нин лэбзыштисны, медем асыныс көсиймнысө пөртны олөмө. Тайё и став уджалысьяс, кодъяс отсөгөн автобусөн локтөны челядь, школаын пыр сөстөм, шоныд, югыд да бур, а столовойын эм чөскыд сөян.

Быдлунъя отув удж вайё ыдыд вермөмъяс районса да республикаса конкурс-олимпиадаын, сідзжө Россияса тшупөдын. Вылыс тшупөдөдз вооны оз сөмын миян ныв-зон, но и велөдысьяс. 2012 воын республикаса «Учитель года» конкурсын вермис физика велөдысь, коді петкөдчис и Россияса конкурсын. 2013 воын районса «Учитель года» конкурсын вермис миян школабсь химия велөдысь, сідзжө 2013 воын школа шедөдіс вылыс тшупөд «Лидер в образовании» районса конкурсын. Ставөн вөлім



зэв радөсь, вед тайё вермөмыс артмис велөдчысьяслөн да велөдысьяслөн ыдыд зильлун да енбиалун отсөгөн, а тшөтш и выль технологияс школаө пыртөмысь.

Некымын во чөж Изьваса школа вөлі медводзаөн районса велөдчанінъяскостса спартакиадаын. Спорт отсөгөн сөвмөдөны-ёнмөдөны дзоньвидзалун уна нывзон, кодъяс окотырысь котөртөны физкультура урок вылө, а сідзжө рыгъя секциясө. Школаын челядь босьтөны содтөд төдөмлун: 10-11 классын велөдчысьяс вермөны босьтны шопер-

лысь «В» категория, быд классын ныв-зон асланыс бөрийөм сертиветлөны кружокъяс вылө. Медбөръя куим онас Изьваса школаө помалисны 8 зарни да 3 эзысь медала велөдчысь. Век жө став велөдысь-ыс кутө лача, мый став школа помалысьяс вермас адзыны аслыс колана туй да зумыда вось-лавны олан туйөд.

Талун миян школаын босьтөны төдөмлун 561 велөдчысь, зильоны-уджалоны 57 велөдысь да 20 морта технической котыр. Быд во школаө пырөны выль велөдчысьяс да локтөны уджавны том велөдысьяс. Зэв нимкодъ, мый школа помалысьяс костын эмөсь йөз, кодъяс специальносът босьтөм бөрын локтөны уджавны асланыс чужан школаө, мед отлаын видзны да сөвмөдны 180 вося школаса традицияс. А, сідзкө, ставыс лоө бур да лючки-ладнө!

Ме сьолөмсянь чолөмала Изьва школаын уджалысьяссө, велөдчысьяссө, выпускникъяссө, ветеранъяссө тшупөда пасөн - 180 воён! Сиа быдөны дзоньвидзалун, выль шедөдөмъяс, вермөмъяс, мед миян дона школа водзө сөвмас да водзмөстчас!

Тиян Елена Георгиевна.

Школаса вөвлөм директоръяс:

Николай Тихонович Канев - 7 класса школаын медводза директор.

Флор Федосеевич Колмаков - война да войнабөрся воясө.

Кирилл Алексеевич Макаров - 1940-1942 да 1950-1956 вояс.

Николай Георгиевич Шиханов - 1956-1961 вояс.

Лев Леонидович Маланин - 1961-1962 вояс.

Станислав Иванович Кирушев - 1962-1972 вояс.

Иван Васильевич Истомин - 1972-1974 вояс.

Валентина Андреевна Деремарко - 1974-1977 вояс.

Вера Дмитриевна Рочева - 1977-2004 вояс.

Елена Георгиевна Пудкова - уджалө 2004 восянь.





Огö вунöдöй

Окота пасйыны и найöс, кодъяс пуктисны ыджыд пай школа сөвмөмö:

Вера Дмитриевна Рочева
 Валентина Александровна Чупрова
 Петр Ефимович Терентьев
 Анастасия Ивановна Канева
 Эмма Николаевна Вершинина
 Вера Илларионовна Канева
 Мария Васильевна Ануфриева
 Иван Васильевич Истомин
 Валерия Трофимовна Рочева
 Светлана Васильевна Колесова
 Тамара Константиновна Соколова

Раиса Савватьевна Костина
 Анна Осиповна Леканова
 Александра Михайловна Липова
 Нина Васильевна Митюнева
 Ксения Ивановна Терентьева
 Евлампия Вассияновна Чукилева
 Илья Тимофеевич Чупров
 Нина Васильевна Чупрова
 Аврора Николаевна Шиханова
 Мария Дмитриевна Янчаускене
 Тамара Ивановна Рочева

Муöдз копырöн аттё став велöдысыслы, кодъяс коркö зилисны Изъваса школаын!

Тöдса, мый та ыджада школадан öткөн директорлы веськөдлыны зэв сьöкыд. Та понда быд школаын эмöсь директорлы отсасысыяс - завучьяс. Налöн уджын ни öти прöст здук оз овлы, быдöн на повстысь зильö ставнас отсавны директорлы да кывкутöмөн вöчны ассыс уджсö.

Изъваса школаын велöдан-воспитайтан уджын директорöс вежöны **Людмила Васильевна Алексеева, Татьяна Васильевна Бородкина, Светлана Евгеньевна Вилисова** да **Анна Васильевна Витязева**. Школаын 2006 восянь уджалö **Надежда Александровна Артеева**, медводз волö библиотекарöн, öнi тшöтш кывкутö школаын удж колана ног кытыртöм вöсна.

Иван Петрович Пудков кывкутö школаын көзьяйство понда, уджалö 2005 восянь. Сылöн зильöмөн унатор вежис школаын бурланьö: лоис ыджыдджык сөянiн, дасьтисны паськөм öшланiн да мукöдтор, быд гожöм юрнуöдö дзоньтасян уджөн.

Бергöдчылам важас

1984 воын паськыда пасйисны Изъваса школалы 150 во тырöм. Сэк кежлö лэдзлисны буклет, кытöн нималана краевед **Никон Хатанзейский** гижöма школалысь сөвман вося йылысь. **Никон Кондратьевич** уджалö «Ижма» небöг вылын. Сэтчöс öти юкöнын гижöма и Изъваса школа йылысь.

1828 воын Изъваса слöбодаясь крестьянин **Прокопий Ануфриев** ас тшöт весьтö восьтöма приходскöй школа. Кум воён сийö велöдöма лыгдысыны-гижны 40 ныв-зонмöс. **Архангельскса** губернаторлы письмöын сийö корöма лэдзны босьтны тöдöмлун тшöтш и православнöй эскöма ненеч челядьялы.

1834 вося январь 21 лунö жын्यान шы висьталöма государственнöй училище востьöм йылысь. Парта сайö пуксьöмаöсь 11 ныв-зон. Сиктсалы грамота сетöмысь сэкся вöлöсьтса юралысь **Иван Вокулевы** сетöмаöсь зарни, а крестьянин **Прокопий Ануфриев** лы ззысь медальяс.

Сьöлöмсянныс отсасыöны



Роч да коми филологъяслөн котырö пырöны зэв енбиа велöдысьяс. Предметъяслөн быдвося декада дырйи найö котыртлöны уна сикас гаж, ышöдöны челядьöс пырöдчыны «Медвежонок» да «Олимпус» ворсöмъясö. Роч кывйысь да литератураысь кызвын велöдчысьыс петкöдлöны зумыд тöдöмлун экзамен дырйи, а районса олимпиадаын пырджык шедöдöны приза местаяс. Коми кыв велöдны окотитысьыс абу жö этиша. Та вöсна коми кыв велöдысьяслөн öти шог, мый налөн предметысь татшöмсяма ворсöмыс абу.

«Тайö кывмысь личсö Сёлöмөн ме кылм...»

Людмила Юрьевна Ануфриева уджалö Изьваса школаын 1995 восянь. Татчöс школасö жö и помавлöма. Окотапырысь казтылö ассьыс велöдчан вояссö. «Уна буртор велöдысьяскöд тшöтш ми вöчим школары да сиктлы», - шуö велöдысь. Пöсь кывъясөн аттёалö роч кыв да литература вöвлöм велöдысь Надежда Кирилловна Макароваос, кодi чужтöма том мортлысь муслун ас предмет дорас. Та вöсна и Людмила Юрьевна пырöма Коми пединститутö велöдчыны. Сийöс помалöм бöрын көсйöма локны аслас школаö, но местасы абу вöлöма. Том специалистсö вöлөм виччысьöны Кипиево сиктын, кытчö и мунöмаось верöсыскöд. Тани сэсся и олöма-уджалöма ань 7 во чöж.

Аслас уджын девизөн лыддьö татшöм кывъяс: «Пыр ов да пыр велöдчы». Урокъяс вылын Людмила Юрьевналы кажитчö челядьлөн котырын уджалöм. Некумын во чöж нин сийö нуöдö «Региональная ономастика» курс, котыртö «Олимпус» ворсöм, вöчö став уджсö кывкутöмөн.

Любовь Степановна Сивченко 30-ысь унджык во нин тшöтш

чужтö муслун роч кыв дорö. Ачыс чужлöма Изьва районса Мокчой сиктын. Но сылөн паметьö кольöма сийö кадыс, кор ёртъясыскöд тшöтш воывлöма Изьва школаö, сэки пö зэв гажа кадыс вöвлi.

Велöдысьлөн верöсыс военной, да та вöсна ковмöма уджавны уналаын: Микунын, Красноярск крайын, тшöтш и Мокчойын. Изьва школаö локтöма 1998 воын. Любовь Степановна ёна радейтö литература урок вылын аналитической удж. Сылөн шуöm серти, став челядьыс енбиаось, сöмын пö колö кужны аддзыны тайö ичотика на ломзысь бисö. Прöст кадö ань радейтö лыддыны газет-журнал, кывзыны радио.

1991 воын школа восьтöма ассьыс öдзöссö нöшта öти енбиа роч кыв велöдысь **Марина Николаевна Каневалы**, Изьва районса Чика грездын чужлөм-быдымлөм анылы. «Уджыс меным ёна воö сёлöм вылö, öд челядькöд быд лун мыйкö выльтор тöдмалан, он сулав öти местаын, а восьлалан пыр водзö, тöдан, мый тэ тани колана. Велöдчысьяс көть и вильышöсь, но век жö көсйöны судзöдны выль тöдöмлун. На-

йö аслыспөлöсöсь, ёна торъялöны öта-мöдсьыс», - шуö велöдысь.

Аслас уджö велöдысь радпырысь пыртö выль технологияс, ёна вооны сёлöм вылас и сiдз шусяна проблемно-диалогöй урокъяс. Челядьлысь тöдöмлунъяссö велöдысь вынсьöдö тшöтш и элективной курсъяс пыр. Ань веськöдлö роч да коми кыв велöдысьяслөн котырөн.

Валентина Николаевна Попова чужлöма Изьва районса Том посёлöкын. 1985 воын помалöма Коми пединститутса филология факультет да локтöма уджавны юрсиктö. И со 28 во нин велöдö изьваса челядьöс колана ногөн сёрнитны роч кывйөн. Бөръя воясö быд урок вылын зильö кыпöдны майшöдлан юалöмъяс. Челядькöд сийö кужö воны öти кывйö, та вöсна Валентина Николаевналөн урокъяс вылын пыр бур дисциплина. Ань радейтö ассьыс уджсö морт сөвмөдöмысь да пыр лоны томөн позянунысь.

Прöст кадö Валентина Николаевна радейтö иславны лызьөн да тюръявны велосипедөн, а гождöмнас ветлыны ягтi, нимкодясьны вөрваөн, чукöртны тшак да

вотöс, ёна радейтö и дзоридзьяс.

Изьваса школары 40-ысь унджык во сетiс **Надежда Кирилловна Макарова**. Сийö кывкутысь да вежавидзысь морт, кодлөн дзим-дзурк гөгөр гортас и удж вылын. Надежда Кирилловна көсйö нин вöли петны шойччыны, но, вöлөмкö, татшöм енбиа велöдысьяссö школаным оз вермы прöста сiдз лэдзны. Корöмаось сийöс нöшта на уджыштны гортын велöдчысь челядькöд.

Велöдысь уджач, сёлöмнас висьö аслас предмет вöсна. Оз мун школарысь сэтчöдз, кытчöдз оз видзöдлы велöдчысьяслысь став тетрадсьö, кытчöдз оз гөгөрво, кодлөн велöдчöмын эмöсь мытшöдъяс.

Анна Михайловна Филиппова аслас мелi нюмөн, видзöдласөн, бур кывйөн пыр дась отсавны йöзлы. Сийö рам да веськыд видзöдласа. Сы кодён жö зильöны лоны и 7 «в» класса велöдчысьяс, кодөн юрнуöдö Анна Михайловна. Чужлöма ань Изьва районса Няшабöж сиктын велöдысьяслөн семьяын. Абу и мөвпыштлöма, мый коркö кутас овны юрсиктын. Но Сыктывкар-



са канму университет помалом бõрын думыштома локны Изьвао радейтана мортис дорõ матоджык. Буретш татчõс школары колõма выль велõдысь. И со 13-õд во нин сийõ сетõ зумид tõдõмлун роч кыв да литератураис. Анна Михайловналõн урокьясыс пыр бур сюрõсаõсь, челядь колана ногõн гõгõрвоõны сылысь вись-

Радейтõ лыддыны нималана йõзлõн олом-вылом йылысь. Уна во чõж велõдысь вõли ичõt классьясын велõдан удж кузя директорõс вежысьõн.

Ачыс велõдчылом Изьваын жõ. Пõсь кывъясõн казгыло и ассыс велõдысьяссõ: Мария Георгиевна Соковаõс, Валерий Павлович Колесовõс, Полина Алексеевна

найõ õта-мõдныскõд. И вочасõн ме кути кõсйыны лоны на кодõн жõ». Елена Георгиевна кужõмõн да сьõломсяныс юрнуõдõ школаõн да бергõдчõ велõдан уджын. Сьõкыд здукьясõ сийõ век аддзõ колана кывъяс, медым кыпõдны мортлысь русõ. Урокьяс дырйи зильõ сõвмõдны челядьлысь ашõра уджалõм, тшõкыда быд-

А челядьõс велõдигõн быть колõ петкõдлыны медводз ассыд примертõ - тайõ пыр нин бурджык вõйпõдõмысь». Ёна радейтõ велõдысь и туялан удж. Кольõм во аслас 5 «а» класса нывъяскõд найõ туялисны сиктса вузасяннн нимъяс да шедõдисны 2 места школаса конкурсын. А 2013 вося декабрын став школарыс радлис да чолõмалис аныõс коми кыв да литература велõдысьяслõн республикаса конкурсын вермõмõн. «Школаын уджыс пыр пуõ», - шуõ Галина Юрьевна.

«Пузыбõны» велõдан уджсõ водзмõстчысь велõдысьяс, кодъяс лыдõ пырõ и Галина Юрьевна. Ыджыд аттыõ сийõ шуõ пыр мели да шань медводдза велõдысь Вера Илларионовна Каневалы.

13-õд во Изьва школаын уджалõ **Ольга Николаевна Канева** - коми кыв да литература велõдысь.

Чужлõма сийõ Изьва районса Галфедь грездын. Велõдчõма Сыктывкарса канму университетлõн финн-йõгра факультетын. Урокьяс вылын челядькõд тшõкыда уджалõны проектяс да коми кыв, Коми мулысь аслыспõлõслунсõ туялõм вылын.

Ань сьõломнас висьõ чужан кыв вõсна. Коми кыв кабинетысь позьõ аддзыны велõдысьõн чукõртõм важ кõлуй, кодõн вõдитчисны миян пõльпõч. Велõдысь кõсийõ, медым челядьлõн вежõрын вõли важъя оломьслõн серпас.

Велõдысьлõн уджысь кындзи Ольга Николаевналы кажитчõ дизайнерлõн удж. Прõст кадõ сийõ мовпалõ ассыс керка мичмõдõм йылысь да унатор нин вõчõ ас киõн.



талõмсõ. Тшõкыда быдтасьясыскõд пырõдчõны районса да республикаса олимпиадаясõ, шедõдõны приза местаяс.

Уна во чõж коми кывйысь tõдõмлун сетõ **Валентина Ильинична Дашук**. Уджалан стажыс 40-ысь унджык во нин: заводитлõма уджавны Изьваса коррекционнõй школаын, а 1983 воын вуджõма татчõс велõдчанинõ. Став вынсõ ань сетõ челядьõс велõдõмõ, кужõмõн уджалõ и сэтшõм челядькõд, кодъясы велõдчõмыс абу медводдза местаын. Коми кыв урокьяс дырйи Валентина Ильинична радейтõ сёрнитны ас му йылысь, бура tõдõ сийõ и коми йõзлысь традиционнõй культурасõ.

Соколоваõс, Станислав Иванович Кирушевõс.

2004-õд восянь **Елена Георгиевна Пудкова** зильõ школаса директорõн да нõшта на коми кыв велõдысьõн. Няшабõж школа помалом бõрын пырõма Коми пединститутса ичõt класса велõдысьясõс дасьтан факультетõ да эштõдõм бõрас локтõма Изьваса школаõ.

«Велõдчигõн на кõсйыли лоны геологõн, - казгыло Елена Георгиевна. - Но мам вõли велõдысьõн, да сы дорõ тшõкыда воывлисны уджыввса ёртъясыс. Ме век видзõди да кывзи, кутшõм ыджыд пыдди пунктõмõн, тшапсытõг, гõгõрвоана да tõлка кывъясõн сёрнитисны

тасьясыскõд тшõтш видлõны õткõдавны коми литературнõй кыв да изьва сёрнисикас. Елена Георгиевна радейтõ быдтыны дзоридзьяс да градыв пуктасьяс, а отсасысьясыс сьлõн - куим шань ныв да верõс.

Галина Юрьевна Колесникова локтõма уджавны аслас чужан школаõ 2012 воын. Сыõдз дас во зильõма Косланса шõр школаын. Аслас мели сёрниõн да видзõдласõн, быдсикас интереснõй уджсõ урокьяс выло пыртõмõн, челядьõс гõгõрвоõмõн сибõдõ велõдчысьясõс коми кыв дорõ. «Ёна кõ кõсьян, ставыс артмас, - шуõ Галина Юрьевна. - Ёд сьõкыдуныс сы выло и эм, медым сийõс венны.



Изьва школаын ичот класса челядьос велөдöны енбиа аныяс. Мөд ногөн некыдз. öд садикысь воём кагаыслы колö кужны гөгөрвоодны школаö ветлöмыслысь мог, колö кужны бөрйыны сэтшöм кывъяс, мед эськö ичотик сьölöмъясныс налөн воссисны öтувъя удж вылö. Ставсö тайöс кужöны изьваса велöдысьяс.

15 велöдысь пöвстысь гасыс помавлöмась Изьваса школа. Пöсь кывъясөн найö казтылöны ассыныс велöдысьяссö, аттьöалöны Эмма Николаевна Вершинаöс, Раиса Николаевна Плосковаöс, Валерия Трофимовна Рочеваöс, Валентина Александровна Чупроваöс, Берта Ивановна Ольшановаöс, Татьяна Александровна Братенковаöс, Лидия Ивановна да Валерий Иванович Васягинъясöс, Евгений Станиславович Кирушевöс, Клавдия Александровна Макароваöс. «Изьва школаын олöмыс век пуис», - шуöны öнйя велöдысьяс. Казтылöны пионералан кад, районса школаясö ветлöм, композитор Шаинскийкöд паньдасылöм, школагорса каток да сийöс вeсалöм, макулатура чукöртöм, хорын сьылöм, стенгазетъяс лэдзöм...

Надежда Александровна Канева 21-öd во туйдöдö челядьöс бур вылö. «Колö пö радейтны найöс став тырмыгöмторнас, кужны кывны ичöтöс, и сэки быдтасъяс быгть татшöм жö ногөн сетасны водзöс». Уна вын пунктö челядькöд содтöд уджалöм вылö.

22-öd во вайö радлун челядьлы **Татьяна Анатольевна Канева** - 2 «а» класслөн мөд мам. Водзмöстчысь, енбиа, шань ань. Татшöмөн жö көсийö сийö аддзыны и ассыс быдтасъяссö. Сылөн челядь пыдди пунктöны коми кыв и кодöс радпырысь велöдöны и ыджыд школаö вуджöм бöрын. «Радейта челядьöс, и налөн сөвмöмыс вайö меным радлун», - тöдчöдö велöдысь.

Эльвира Васильевна Артеевалөн уджалан стажыс 26 во. Медводз сийö зильöма Бакур сиктын, а сэсся воёма Изьваö. «Челядь менам классын зэв енбиаöсь, сьывны-йöктыны радейтысьöсь, гораöсь», - шуö велöдысь. Уна кад кольö урокъяс да урокбöрса уджъяс дасьтöм вылö, көсийö, мед челядь эз гажтöмтчыны сылөн занятияяс вылын.

Наталья Михайловна Мельничук - водзмöстчысь, челядьсянь пöрадок корысь да кывкутысь морт. «Велöдысь - сийö морт, кодi ас тöдöмлунөн вермö лэччыны челядьлөн тöдöмлунöдз, а сэсся öтлаын кыпöдчыны да восьтыны выльторъяс», - татшöм мөвпөн 2001 восянь уджалö Наталья Ми-



Челядьлөн сөвмöм вайö радлун



хайловна аслас чужан школаын. Велöдыськöд тшöтш окотапырысь кутчысьöны проектъясö да туялан уджö. Ыджыд школаö локтöм велöдчысьяслөн öзийöны синъяс, найö көсийöны быдторсö тöдны.

«Быдтор тöдны көсийсьöсь, збойсь, бурсь, мелiсь, ичöтик югöръяс», - тадзи висьталö аслас быдтасъяс йывсьыс **Наталья Николаевна Истомина**, 1 «в» класслөн мөд мам. 1993 воын локтöма уджавны аслас чужан школаö. Наталья Николаевна быдторйын пöрадок кутöмсö тöдöны нин сылөн ичот кагукъясыс. Та вöсна урокъяс вылын найö зильöны петкöдлыны ассыныс уджачлунсö да кужöмлунсö. Челядь ёна радейтöны Наталья Николаевнаöс, а уджёртъяс пыдди пунктöны.

Вероника Степановна Плюснина кывкутö 2 «в» класс вöсна. Ачыс Изьва школаын жö велöдчылöма да ёна аттьöалö классөн веськöдлысь Татьяна Александровна Братенковаöс, кодi кадсö жалитгöг уджалöма накöд да сетöма челядьыслы ассыс кужöмлун-тöдöмлунсö. А öнйя сэтшöмөн жö ми аддзам Вероника Степановнаöс, кодлөн уджын подулыс - челядьöс радейтöм. «Сьölöмöй радлö, кор аддзанысь вермöмъяс да нюмъялысь чужöмъяс», - тöдчöдö велöдысь.



1995 восянь челядьёс быдтё-велөдö **Татьяна Георгиевна Терентьева**. Ассыыс уджсö ёна радейтö сыысь, мый сийö сетö позянлун дырджык кольны челядьдыр кадын да эм позянлун быд лун адзыны кутшöмкö выльтор. Татьяна Георгиевна шуö: «Быд кага аслысногөн енбия, а велöдысьдылы колö ас кадö сийöс казавны».

Татьяна Георгиевна ачус енбия да водзмöстчысь морт, медводдзаяс лыдын босытчис велöдны «Школа-2100» программаөн.

Галина Ивановна Ануфриева чужлöма Корткерöс районса Нёбдін сиктын. 1969 воын велöдчöмсö помалöм бöрын том нылöс ыстöмаöсь Сизябö, а 1977 воö локтöма уджавны Изьваса школаö. «Миян челядь быдтор тöдны көсийсысь. Та вöсна велöдысьлы колö мунны сöмын водзö, öти воськов бөрö вöчны оз позь», - висыталö Галина Ивановна. Уджёртгыясыс тöдöны сийöс, кыдзи кыпыд руа, вежöра да бур мортöс.

22-öd во челядькöд уджалö **Эльза Михайловна Ольшанова**. Сылөн уджывивса медшөрмогыс - велöдны челядьёс ас вынөн корсьны тöдöмлун. Та вöсна жö медводдзаяс лыдын босытчöма уджавны «Школа-2100» программаөн. Эльза Михайловна ышöдö челядьёс проектяс дасытöмö. Сылөн быдтасгыясыс оз повны петкöдлыны ассыныс уджыяссö конкурс-олимпиадаясын, тшöкыда шедöдывлöны и приза мөстяс.

1998-öd восянь чужан школаын зильö **Мария Анатольевна Дёмина** - мортöс кывзыны кужысь, рам да авъя велöдысь. Быд ног сийö зильö вöчны урокъяссö интереснöйджыкөн: компьютер пыр дасытö да петкöдлö серпасьяс, кино, велöдö челядьёс вöчны проектяс. «Челядьёс велöдигөн и ассыд тöдöмлунгыястö содган», - шуö Мария Анатольевна.

Ёна радейтö челядьёс да сы вöсна жö и бөрйöма велöдысьлысь удж **Ирина Васильевна Канева**, кодö быдмöма-велöдчöма Изьва районса Краснобор сиктын. Изьва школаö сийö локтöма 1999 воын. Ирина Васильевна стöча тöдö: лёк челядьыс абу. Аслас 1 «б» класс йылысь шуö: «Ставныс бурöсь, ёртасыны кужысьсь, «почемучкаяс». Велöдысь кужöмөн сетö тöдöмлун туялöм, корсьысьöм, мытшöдыяс сувтöдан методгыяс да ворсöм пыр.

25-öd во челядькöд радлунсö и шоглунсö юкö **Лидия Никандровна Савкеева**. Изьваса школа помалöм бöрын пырöма велöдчыны Коми пединститутö, а сэсся сёлöмыс бөр кыскöма сийöс чужан

сиктас. Бур уджысь анёс талун вылö донгыялöны оз сöмын школаын, но и баты-мам да сиктса олысьяс. «Сёлöмöс бытгыö выйөн мавтыштöны, кор менам быдтасгыяс помалöны школасö медальён, кор адзыны оломын ассыныс ин», - висыталö Лидия Никандровна.

Валентина Андреевна Бучневалөн велöдöмын девизыс: «Став челядьыс бурöсь». Буретш сы вöсна аслас 3 «в» класс пытшкын век олоны öта-мöдöс гөгөрвоём да öта-мöдды отсөг вылö воны дасылун. Чужлöма Валентина Андреевна Изьва районса Вертеп грездын. 1985 воын воёма Изьваса школаö. Урокгыяссö дасытö мытшöда юалöмгыяс тöд вылын кутöмөн, сёлöм вылас воö и проекта метод.

2009 воö Коми пединститут помалöм бöрын челядьёс велöдны локтöма **Мария Александровна**



Гичева. Велöдысьён лоны ёнасö абу мөвпавлöма, но практика дырйи тайö уджыс воёма сёлöм вылас. Тöдöмлунсö сетö проблемно-диалогвöй велöдöм пыр. Челядьлы кажитчö, кор урокгыяс вылын велöдысь öтувтö найöс котыргьясö. Мария Александровна зильö топыда уджавны и челядьлөн баты-мамкöд, кодъяс радпырысь локтöны класснöй часгыяс вылö да сёрнитöны челядькöд нравственнöй темаяс вылö.

40-ыс унджык во челядькöд зильö **Любовь Ивановна Тула**. Сийö сэтшöм велöдысь лыдысь, кодö уджсö вöчö кывкутöмөн. Ас кадö босытöма ичöt классгыяс велöдысьлысь тöдöмлун, а сэсся и математика велöдысьлысь. Любовь Ивановна шань, абу ышнясысь морт. Сылы век окоата тöдмавыны мыйкö выльöс. Школаын медводдзаяс лыдын кутис уджавны компьютерөн, мыйкö кө оз гөгөрво, быты юалас тöдысьясысь. Сылөн урокгыяс вылын челядь зэв бура уджалöны, а велöдысь атгыалö найöс мелінюмөн, бур кывйөн да оценкаөн.



*Математика, информатика да физика оз быдёнлы сетчыны. Но кужысь да ен-
биа велёдысьыдкөд и ныв-зонлы кокниджык ставсö гөгөрвоны-велөдны.*

Енбиа мортыд - быдлаын енбиа

Клавдия Александровна Макарова - Изьваын чужлом мелі ань, пыр кыпыд руа, сибыд. 1971 восянь уджалома Сизябын, а Изьва школаын уджалö 1973 восянь. Велөдысь удж дорö муслун чужтылома мамыс, а математика дорö - Валентина Александровна Чупрова.

*- Тайö уджыс оз сет пöрысьмыны. Челядь вылö видзöдигөн, на-
лысь серамсö кылгөн пыр радлан,
окота овны и овны. Кутшöм бур,
кор тэнад быдтасъясид кайöны
тэысь вылөджык, унджыктор тэ-
ысь тöдöны! Кösъя шуны ыджыд
аттьö аслам велөдысьясы, тор-
йөн нин Валентина Александров-
на Чупровалы, Пётр Ефимович
Терентьевлы, Валерия Трофимов-
на Рочевалы. Бур казытыла и На-
дежда Ивановна да Станислав
Иванович Кирушев гозъяс, - вись-
талö Клавдия Александровна.*

Гортись школаö да школаысь гортö радпырьсь - татшöм кывъясöн олөмöд муно математика велөдысь **Александра Леонидовна Чегодаева**. Уджалö 1985 восянь. Содтöд уджалö слабджык велөдчысьяскöд. Нуöдö кружокъяс, элективной курсъяс. Олимпиадаяс дырйи сылөн челядь пыр босьтöны приза местаяс, колана ногөн сдایتöны ЕГЭ да ГИА. Александра Леонидовна стрөг, но веськыд видзöдласа. Аслас уджын вöдитчö презентацияөн, тшöкыда нуöдö ворсöм, ордйысьöм, оз кольччы и выль технологиясысь. Сылөн урокъяс дырйи пыр пöрадок - вöлома код-

лысь босьтны пример. Тайö - Пётр Ефимович Терентьев, Валерия Трофимовна Рочева да Клавдия Александровна Макарова.

Александра Леонидовна радейтö путешествуитны. Тшöкыда сийös позьö аддзыны нель арöса внучкаыскöд - пиыслөн ныв, кодös ичотсянь нин велөдö дözьöритны дзоридзяс, радейтны небөг да спорт.

Эмилия Михайловна Братенкова - водзмöстчысь, челядьös радейтысь. Чужöма Удора районса Пысса сиктын. Пединститутын велөдчигөн волöма практика вылö Изьва районса Кипиево сиктö. Сэтысь и аддзöма радейтана ёртсö, кодкöд талунöдз öтсöгласөн олöны. Изьва школаö локтöма 1995 воö, сыöдз 10 во чöж уджалöма методистөн. Эмилия Михай-

ловна оз пов сьöкыдлунысь. Сийö пыр корсьö мыйкö выльтор, интереснойös, медым челядьлөн синъяс öзйисны, медым математика эз ло гажтöмөн. Сийö медводдзаөн заводитс вöдитчыны уджас интерактивной дöскаөн. Быд во сылөн веськöдлөм улын муно проектъяс дасытан конкурс. Урокъяс кежлö дасытö торъя удж слабджык да вына велөдчысьясы, накöд жö уна уджалö содтöд. Вынсьöдö челядьысь тöдöмлун и аслас сайт пыр, нуöдö элективной курсъяс, радейтö артавны сьöкыд задачаяс. 2006 воын Эмилия Михайловна лоис вермысьөн «Образование» нацпроектын, а нель тöлысь мысти лоис медбурөн «Школа-2007» конкурсын. Велөдысь оз сöмын ачыс пырöдчы быдсикас конкурсö, но и уджь-ёртыяссö ышöдö. Эмилия Михай-



ловна веськөдлө 9 «а» классон. Аадзө кад и депутат удж вьлө. Сийö юрнуөдö «Миян Изьва мед-ся до-на» сайтон.

Изьва районса Дюр сиктын чужлом ань **Наталья Степановна Тимушева** панöма уджалан туйсö Сыктывкарса 24 номера школаын. 2000 воын локтöма Изьваө велöдны математика. Сийö зэв рам морт, некор оз гөлс лэптыв. Некымын во чöж нин нуөдö «Шахматы» кружок. Челядь окотапырысь воывлöны сэтчö, а аттьöалöм пыдди велöдысь новлөдлö бурджыка ворсысь ныв-зонмös мукöд сикт-карö, көни челядь тшöкыда шедöдöны приза местаяс. Неважөн ветлисны весиг Санкт-Петербургö.

Наталья Степановна юрнуөдö математика, информатика, физика велöдысьяслөн котырөн. Ассьыс уджсö вöчö кывкутöмөн. Кывкутö 10 «б» класс вöсна. Прöст кадö сылы кажитчö лолавны сöстөм сынöдөн, уджавны вьлаын.

Марина Владимировна Артева 26-öd во чужан школаын сетö зумьд төдöмлун математикаысь.



чужан грездса школаын, а 2010 воö локтöма Изьваө.

- Ме пыр велöдчи, небöгысь кындзи нинöм эг тöд, - шуö велöдысь.

Та вöсна да Енмөн сетöм мывкыд вöсна институтсö помалöма гөрд дипломөн. Кужöмөн пыртö уджас ИКТ. Аттьöалö ассьыс велöдысьяссö: Эмилия Михайловна Братенковаöс, Пётр Ефимович Терентьевöс, Анна Васильевна Витязеваöс, Татьяна Александровна Братенковаöс.

Изьваса школалөн нöшта öти

во сетö восьса урокьяс да мастер-классьяс. Шуласны тай, ен-бия мортыд быдлаын ен-бия - тайö Георгий Фридрихович йылысь. Сийö ворсö гитараөн да мичаа сьылö, ошкöны йöзыс и сьён тэчöм пачьяс.

Татьяна Васильевна Бородкина локтöма Изьваө 1994 воö Луздор районса Пожöмаяг посёлöкысь. Сэксянь велöдö физика Изьваса школаын. Урокьяс дырйи ышöдö велöдчысьясöс мөвпавны логическöя, вöдитчö «беседа» да ворсан методьясөн. Лыддьö, мый велöдысь удж чужтö мортын терпенньö да отсалö кольны век томөн. Татьяна Васильевна стрöг, но челядьöс гөгөрвоысь. Некымын во нин кывкутöмөн зильö велöдан удж кузя директорöс вежысьөн. Кывкутö и профильнöй классьяс вöсна.

Анжелика Алексеевна Батманова уджалö школаын медводдза во. Төдö, мый велöдысь сэтчöдз кольö велöдысьөн, кытчöдз ачыс кутас велöдчыны. Чужломä Краснодар крайын, но 7 классын велöдчигас бать-мамыскöд вуджöма овны Изьваө.

- Школаын велöдчöм - медся гажа кад. Ме пыр пырöдчи быдсикас ворсöмö да конкурсö. Бура казтьыланаторйыс сьёлöмö коли сы мында, мый кыз тетрадьö оз тöр, - висьталö том велöдысь.

А нöшта шуö аттьö аслас велöдысьяслы. Торйөн нин аттьöалö классөн веськөдлысь Валентина Вячеславовна Рочеваöс да математика велöдысь Александра Леонидовна Чегодаеваöс. Ассьыс урокьяссö тэчö корсян, висьталан, петкөдлан, практика методьяс серти.



Переменяяс дырйи велöдысь пыр челядькөд, уна уджалö содтöд и вына, и слабджыка велöдчысьяскөд. Сылөн велöдчысь Ксения Колесова вермылöма «Малая нобелевская премия» конкурсын.

Людмила Васильевна Алексеева - информатика велöдысь да воспитательнöй-велöдан удж кузя директорös вежысь. Чужломä да велöдчылöма Изьва районса Кулим грездын, но 10-11 классьяс велöдчöма юрсиктын. Сидзжö и уджас артмöма: медводз зильöма

ен-бия велöдысь - **Георгий Фридрихович Кузнецов**. 2012 воын сийö лоис медбурөн республикаса «Учитель года» конкурсын, петкөдчис и Россияса татшöм жö конкурсын. И тайö абу весьшөрö. Георгий Фридрихович зэв интереснöя, образнöя мөвпалöмөн сетö физикаысь төдöмлун. Быд урок кежлö дасьтö аслыспөлös презентацияяс, көни абу прöста серпасьяс да гижöд. Аслас уджьясөн Георгий Фридрихович юксьö Россия пасьтала «Сеть творческих учителей» сайт отсөгөн. Быд



История, обществознание, химия, география да биология велөдöны енбиа, бур, вежавидзысь велөдысьяс. Зіля уджалöмысь челядь тшöкыда козыналöны налы конкурс-олимпиадаын шедöдöм приза местаяс, экзаменьяс дырйи петкөдлöны зумыд тöдöмлун.

Енбиаöсь да вежавидзысьöсь

Анна Васильевна Витязева специальность серти - химия велөдысь. Таысь кындзи сійö вежö директорöс велөдан удж кузя. Анна Васильевна тöлка, кывкутысь да ассьыс уджсö бура тöдысь, уджёртгьяслы отсавны окотитысь да шань морт. Изьваса школаö локтöма 2001 воын СГУ-ын химия да биология факультет гöрд дипломön помалöм бöрын. Дзик пыр сяммöма чужтыны муслун аслас предмет дорö. Анна Васильевна велөдчысьяс пыр босытöны приза местаяс олимпиада-конкурсын. Унаöн окотитöны водзö босытны химияысь тöдöмлун вылыс тшупöда велөдчанінын.

2013 воын Анна Васильевна петкөдчис школаса, а сэсся районса «Учитель года» конкурсын да лоис вермысьöн, мыйысь ми став сьölöмсянь чолөмалам сійöс. Сійö быд во петкөдчö школа нимсянь быдсяма ордйысьöмын, ёна радейтö иславны лызьöн, зэв мичаа кысьö.

1983 восянь зільö география велөдысьöн **Нина Владимировна Кунгина** - медводз Баккур школаын, а сэсся, 1997 восянь, аслас чужан Изьваын. Велөдчан вояссö казгылö зэв бур кывъясьöн, шуö быджд аттё став велөдысьыслы. Варов, сибыд, ассьыс уджсö да челядьсö радейтысь, кывкутысь, ас кадö шмонитны кужысь - татшөмön ми тöдам Нина Владимировнаöс. Радейтö Нина Владимировна асьсö ним-

кодъмöдны ас кыём паськөмön, мый öдвакө верман торйöдны фабрикасаысь. Сылön журнаöдм улын олö «Лес» котыр. Сылön могөн лоө видзны матигөгöрсä вөрва. Некемын во чöж сійö вöли велөдан удж кузя директорöс вежысьöн. Öнi Нина Владимировна дасьтысьö 11-öd класслөн выпускной кежлö.

Татьяна Александровна Филипповалөн уджын и олöмын девизыс: «Движение - это жизнь». И збыль, велөдысь некор оз пукав места вылын: то урок кежлö дасьтысьö, то сетö содтöд тöдöмлун элективной курсьяс пыр, то челядькөд öтув дасьтö проектьяс, то аслас 8 «а» класскөд урокбöрса мероприятияс дорö дасьтысьö да нöшта на уна мукөдтор. Мокчой

шөр школа помалöм бöрын пырöма велөдчыны СГУ-са химия да биология факультетö, кодос помалöма 2002 воö да локтöма уджавны Изьва школаö. Татьяна Александровна ёна радейтö ассьыс уджсö, öд танi эм поэтанлун сөвмыны творческöй. Кужöмön пыртö выль технологияяс, торйөн нин «критической мышление» метод. Радейтö небөггяс да фитнес.

2003 восянь Изьваса школаын уджалö **Егор Анатольевич Терентьев**. Велөдчöма СГУ-са финн-йöгра факультетын, а сэсся уджалгас нин босытöма тöдöмлун Госслужба академияын. Егор Анатольевич велөдö история. Ёна радейтö лыддысьны да та вöсна кужöмön висьтавлö челядьлы исторической

лоөмторгьяс йылысь. Сылön велөдчысьяс пыр окотитöны сдایتны историяысь экзамен да сдایتны бур донгялөм вылö. Егор Анатольевичлөн урокьяс вылын челядь ветлöны виртуальной походгьясö. Зэв интереснöя кольöны выдлалан урокьяс. Тöлын и гожöмын радейтö кыйны чери, ёртасьö спорткөд, тшупö аслыс керка.

Историяысь зумыд тöдöмлун сетö и **Лариса Геннадьевна Репина**. Уна во чöж сійö уджалöма Изьва районса Баккур сиктын, сэнi жö и чужлöма-быдмылöма. «Медводз колö радейтны, а сэсся велөдны» - Я.О.Коменскийлөн висьталөмкөд воö öти кывйö Лариса Геннадьевна. Тайö мөвпсö тöд вылын кутöмön уджалö 6 «б»



класса велодчысьяскөд. На понда мөд во нин кывкутө. Аслас уджө велодысь пыртө сідз шусяна дискуссия, диспут, ворсөм. Вөдитчө и ИКТ-өн. Тыдалө, мый тайө аньыс и гортын бур көзьяка. Прөст кадө уна лыддысьө да фотографуруйтө.

Евгения Юрьевна Терентьева - том специалист. Локтис Изьваса школаө кольөм вося сентябрь төлысьө. Медводдза лунсянь петкөдчис уджачөн да челядьос пыдди пуктысь мортөн. Медым ёнджыка сибөдны челядьос аслас предмет дорө, а велөдө сійө общественвание да история, урок костьясын пыр мыйкө вөчө: дасьтө презентация, видеоматериал да уна мукөдтор. Таыс кындзи Евгения Юрьевна дорө окотапырьсь ветлөны правоысь да экономикаысь элективнөй курсьяс вылө. Том велодысь ёна радейтө челядьос, та вөсна и бөрийөма велодысьлысь удж. Прөст кадө радейтө лыддысьыны.

Роман Евгеньевич Селивёрстов КГПИ-ын география да биология факультетын велөдчигөн воліс Изьва школаө практика вылө, көть ачыс Абячой сиктысь. Ёна воөмаось сьөлөмас татчөс челядьыс, да том морт смелмөдчөма овмөдчыны войвыв районө. И со 2001 воө Изьва школа радпырьсь востис өдзөссө выль велодысьлы. Аслас предмет кындзи Роман Евгеньевич бура төдө велөдан оланпас. Буракө, та вөсна өдйө и лоис велөдан удж кузя директорос вежысьөн. Ёня кадө сійө юрнүдө районса велөдан управлениеөн. А субөта луньясө воывлө школаө сетны географияысь төдөмун.



И спортө ышөдөны...

Георгий Николаевич Артеев велөдө физкультура. Аслас шмоньөн пыр кыпөдө челядьысь да велодысьясысь олан ру. Сылөн девизыс: «Коді нө, оз кө мяян велөдчысьяс!» Чужан школаас Георгий Николаевич локтөма 2003 воын. Таөдз уна во чөж сөвмөдөма челядьысь дзоньвидзалунсө Том посёлокын. Сылөн урокьяс век мунөны кыпыд руөн. Георгий Николаевичлөн быдтасьяс спортын ёна водзмөстчысьось, радпырьсь пырөдчөны быдсикас ордысьсөмө.

Аслас велөдчөмысь юрас кольөмаось туристической слөтьяс, походьяс, ордысьсөмьяс, а нөшта велодысьяслөн велөдөмыс, торйөн нин Илья Тимофеевич Чупровлөн, Николай Александрович Витязевлөн, Пётр Ефимович Нехорошевлөн, Станислав Иванович Кирушевлөн. Шойччан луньясө Георгий Николаевич радейтө вөравны да чери кыйны. Таө жө велөдө ассыс куимнан писө.

Григорий Георгиевич Артеев мунөма батыс кок туйөд. 2005 воын СГУ-ысь физкультура да спорт факультет помалөм бөрын дзик пыр локтөма Изьваса школаө. Сійө зэв бура вөчө ассыс уджсө, рам, вежавидзысь. Велөдө челядьос ас мозыс жө ёна радейтны физкультура да мунны олөмөд ас водзө могьяс стөча сувтөдөмөн. Челядьысь аддзө сөмын бурсө, радейтө да пыдди пуктө найөс, сы вөсна и велөдчысьяс сійөс вылө доньялөны. Урокьясысь кындзи радпырьсь нуөдө мини-футбол секция, воө пө сьөлөм вылө тайө спорт сикасыс, тшөтш и волейбол.

Василий Николаевич Артеевлөн весиг прөст кадыс йитчөма спорткөд: радейтө лызьөн иславны, а пуксьө кө видзөдны телевизор, то быть спорт йылысь передачяс. Чужлөма Изьва районса Няшабөж сиктын. Аслыс век шуө: «Сөмын уджалігөн позьө воөдчыны вермөмьясөдз». Челядьлы Василий Николаевич кызд пыдди пуктана ыджыдджык ёрт. Сійө и сералыштас накөд, и сувтлас сёрнитыштны, и колана индөдьяс сетас. Уджалө Изьваса школаын 2010 восянь.



Бур, төдан кө да пыдди пуктан ассьыд чужан кывтө. Нöшта на бур, төдан кө тэ и суйöрсайса кыв. Изьваса школаын англия кыв велөдö квайт велөдысь.

А төдан English?

Татьяна Александровна Братенкова школаынь нин көсьома пыдисяньджык велөдны англия кыв. Та понда и пырöма велөдчыны КГПИ-ö суйöрсайса кывъяс велөдан факультетö. Быдмöма-велөдчöма Изьва районса Бакур сиктын, а 1978-öд восянь олөуджалö Изьваын. Татьяна Александровна вылө донъялöны, öд сийö бур велөдысь да классөн веськөддысь. Сийö кужö гөгөрвоны челядьöс, накöд сёрниын пыр аддзö колана кывъяс. 2013-öд воö сълөн быдтасъяс помалисны школа, но пыр на звонитчöны, юасьöны совет, юксьöны бур юөрөн.

Татьяна Александровна лөн урокъясыс кольöны интереснöя, öд енбия мортыд пыр корсьö мыйкö выльтор, медым чуймöдны челядьöс, медым сетны топыд төдöмлун. Быд урок велөдчысыс уджалöны интерактивной дöскаөн, тшöкыда сълöны-ворсöны, уджалöны котыръясын да параясөн.

Надежда Яковлевна Кирушева тшöтш босьтöма төдöмлун КГПИ-ын англия да немец кывъяс серти. Изьва школаын уджалö 1981-öд восянь. Ачыс Усинск районсыс.

Урокъяс дырйи Надежда Яковлевна зильö матыстчывны быдөн дорö, дасьтö торъя удж вына да слабджык велөдчысыслы, вöчö ставсö, медым урокыс коли колана ногөн. Англия кывйысь челядь босьтöны зумыд төдöмлун, а тайö тыдовтчö олимпиада да экзамен дырйи. Кывкутöмөн дасьтö челядьöс ЕГЭ кежлö. Уджалö челядькөд и аслас сайтын. Уна во нин сёлöмсянь веськөдлö школаса профсоюзөн.

Надежда Яковлевна чöскыда пусьö-пожасьö, радейтö путешествуйтны, ветлыны походъясö, ветлыны вөрö тшак-вотöсла, быдтыны дзоридзьяс.

Екатерина Александровна Широкая заводтöма уджалан туйсö Лег-

ка сиктын, көнi велөдöма челядьöс сёрнитны немец кывйөн. Сэсся мунöма Печораö да уна во чöж уджалöма вуджөдчысьөн. 2012 воын олöмыс бөр вайөдöма чужан сиктö. Танi Екатерина Александровна зильö англия кыв велөдысьөн. Ас водзö пуктö оз сöмын велөдан могъяс, но и воспитательнöй, öд урокъяс дырйи ковмылö сёрнитны радейтчөм, семья, чужан му да уна мукөдтор йылысь.

Быд гаж дырйи сценна вылын, кывкутысь, вежавидзсыс - тайö **Светлана Евгеньевна Вилисова** йылысь. Локтöма велөдысь Перым муса Октябрьский посёлкыс 2009 воö. Сы серти, велөдысьлөн удж төдчана быд мортлөн олöмын.

«А кутшöм лöсьыд, кор аддзан аслад уджыдысь бур кывкөртöд!» - төдчөдö Светлана Евгеньевна. Сийö төждысьö оз сöмын ас да челядь, но и уджёртъяс понда,

öд нöшта вежö директорöс ичöt классъяс велөдан юкөннын. Сы серти, мян пö челядь вывти бурöсь, енбияось, радейтанаось.

«Велөдысь удж тшöктö пыр лоны «тонусын», - шуö **Евгения Сергеевна Валеяская**, кодi 5-öд во уджалö Изьваса школаын. Сийö мелi видзöдласа, пыдди пуктö челядьöс да велөдысьясöс. Аслыспөлöс урокөн Евгения Сергеевна петкөдчис школаса «Учитель года» конкурсын да лой вермысьөн том специалистъяс костын. Петкөдчис и районса татшöм жö конкурсын.

Коймöд во чужан школаын уджалö **Елена Эдуардовна Ласкова**. Гөрö дипломөн помалöма Коми пединститут. Медводдза воö нин том нывлы вöзиймаось веськөдлыны 10-öд классөн, көнi унджыкыс вөлöма зон. Елена Эдуардовна кыпыда босьтчис найöс быдтöм-велөдöмö. Топыд йитөдъяс кутiс челядьлөн баты-мамкөд. Том велөдысь шуö, быд кагаын пö эм ичөтик шондi. Та понда ас водзö пуктö мог, медым югыдджыка öзтыны тайö югөръяссö англия кыв урокъяс вылын. Елена Эдуардовна пыртö уджас уна сикас технология, торйөн нин кажитчöны проект вöчөм да урок-ворсöм.

Бура казътылö Изьва школаын ассьыс велөдчöмсö.

- *Классын öта-мөккөд бура ёртасим. Шмонитны радейтысыс вöли уна, да классын пыр кылис гора серам. Помнита, öтчыд вежан көм пыдди став классөн локтим бахильясөн да лун джынсö сiгз и ветлөдлим, - казътылö Елена Эдуардовна.*



...И уджавны велөдöны

Валентина Вячеславовна Рочевалон ставнас олöмыс йитчöма творчествокод. Тайö велöдысьыс югзöдöма Изываса школасö аслас енбион 1975 воö. Школаса коридорын став мича гижöдыс да серпасыс Валентина Вячеславовналон удж. А кутшöм интереснöя колöны МХК урокъяс! Валентина Вячеславовна велөдö челядьöс аддзыны мирысь сöмын мичасö, чужтö на пытшкын бур сьöлөмкылöмъяс. А нöшта сийö нудö нывкаяслысь ОБЖ предмет, көни ковмывлö сёрнитны и налөн гусяторъяс йылысь. Быд тема восьтигөн велöдысь аддзö колана кывъяс. Урокъяс вылын тшöкыда вöдитчö мультимедия проекторон, пыртö уджас и выль технологияс.

Валентина Вячеславовна вылö видзöдигөн сьöлөмыд радлö: сийö пыр кыпыд руа, век нюмъялö, мичаа пасьтасьö. Кужöмön быдтöма 2 пиöс, öни нин тöждысьö внук-внучка вöснаыс. Чужлöма Кулөмдин районса Аныб сиктын.

Бать-мамыс моз жö велöдысьон окотитöма лоны и **Екатерина Алексеевна Филиппова**. Төдöма, мый челядькөд уджыс сьлөн артмас. Та вöсна бöрийöма Коми пединститутысь ичот класса челядьöс велөдан факультет, кодöс помалöма 2001 воö. Но специальность серти уджавны позянлуныс абу вөлöма. Медводз ковмöма зильны школаса библиотекаын, а сэсся вöзиймаось сылы босьтчыны велөдны технология предмет. Кипом уджысь некор эз повлы да сетöма ассьыс сöглас.

Öни сьлөн нывкаясыс кужöны пусыны, вурсьыны, пызан выв дасьтыны. Челядькөд уджө пыртö сідз шусяна сотруничество метод. Уна лыддысьö.

Евгений Станиславович Кирушев тшöтш жö

уджъяс бергöдас, и сьомöдтö дасьтас да сэсья вöчалас мичаысь мича дозмук да мукöдтор. А нöшта сийö век петкөдчö аслас школа вöсна уна сикас ордйысьöмын. Тшöкыда овлö и вермысьяс лыдын. Спорт дорö мус-

быдтор кужысь-тöдысь морт. Сылы ставыс интереснö. Томдырийыс велөдчылöма механизаторö. Öния кадö сьöлөмыс кыскö сийöс пырöдчыны мортлөн психологияö, мый мотон и босьтö тöдöмлун СГА-лөн Ухтаса филиалын, көсий лоны школаын бур психологөн. Велöдысь пыди пунктö челядьöс да



технология велöдысь, сöмын уджалö зонъяскөд. Мастер мортыд вылö видзöдигөн челядь дзик пыр окотитöны вöчны сы моз. А велöдысьыдлөн могыс - петкөдлыны, кутшöм ногөн бурджык вöчны. И медым челядь асьныс мөвпалісны петан туйяс вылын, Евгений Станиславович тшöкыда пыртö уджас «мозговой штурм» приём. Оз нин öти во сет ассьыс сямсö да кужöмлунсö челядьлы «Береста в руках умельца» кружокын. И ёна радлö, кор найö вермöны конкурс-олимпиадаясын.

Евгений Станиславович - идöра мужичöй: и чери кыйны ветглас, и тшак-вотöstö гожöмын ваяс, и гортгöрса

лунсö чужтöма батысь, Изыва школаын вöвлөм директор.

Анна Михайловна Сянгина 2009 восянь сибөдö челядьöс музыка дорö. Зильö висьтавыны тайö искусство йывсьыс челядьлы гөгөрвоана кывъясьон, тшöкыда вайөдö и олөмысь примеръяс. «Сэтшöм бур, кор эм позянлун юксьыны аслад тöдöмлунөн», - шуö Анна Михайловна. Музыкаысь кындзи сийö райөйтö лыддыны исторической лоомторъяс йылысь. Олөмысь мичасö аддзыны велөдö и ассьыс нывсö.

ОБЖ предмет миян школаын велөдö **Евгений Александрович Волков** -

уджёртъяссö, кужöмön петö сьöкыдлунъясысь. Евгений Александрович мичаа ворсö гитараон, сьылö, серпасасьö, петкөдлö фокусъяс. Зильö тшöтш и содтöд тöдöмлун сетан шöринын, көни юрнудö «Патриот» клубөн. Сэни челядь велөдчöны восьлавны стройон, тышкасьны киясьон, лыйсьöны лазерной оружиеысь. Изываса челядьöс сийö тöдмөдö и машиналон механизмон да туй вылын правилöясөн.

Михаил Александрович Большаков чужан школаын уджалö медводза во на, но петкөдліс нин асьсö кывкутысь да вежавидзысь мортон. Сэтшöмön жö вöлі и велөдчигас.



Воспитательной удж Изьва школаын нуодоны 5 морт. Ставныс зэв шаньёсь, йоз динё сибалысьёсь, кокниа вооны челядькөд оти кывйö, вежавидзысьёсь.

Анна Николаевна Рочева - содтöд тöдöмлун велöдысь. Пыр кыпыд руа, пыр кознало йöзлы ассьыс мел нюмсö. Уджалö Изьваса школаын 2012 восянь. Челядь радейтöны Анна Николаевнаöс. Быд урок кост котортöны сы дорö юксьыны радлунön либö шоглунön, а классön веськöдлысь зильö отсавны налы.

Чужан школаын 2002 восянь зильö педагог-организаторön **Ирина Сергеевна Сивкова**.

Ирина Сергеевна нуодö уна сикас мероприятие - ставыс зэв интересной, бур выло велöдысь. Челядь ёна сибалöны сы дорö и пыр радпырысь отсалöны велöдысьлы внеклассной удж лöсьöдигön. Медёна сёлöмас вооны музыкально-театрализованной петкөдчөмъяс да флеш-мобъяс. Ирина Сергеевна зэв артистичной, повтөг петкөдчö быд гажын.

Валентина Владимировна Филиппова - тшöтш педагог-организатор, челядьöс да уджёртъясöс пыдди пуктысь морт. Школаын тайö аньсö тöдö быдön, кажитчöны сылön пыд

Кывкутана уджысь ОЗ ПОВНЫ



мөвпъяса сценарийясыс. Кужö ышöдны челядьöс пырöдчыны быдсикас внеклассной уджö. Некымын во кывкутöмön уджавлис классön веськöдлысьön. Енбиа мортöс корлисны уджавны содтöд тöдöмлунъяс шöринö,

но некымын тöлысь мысти сёлöмыс бөр кыкис школаö.

Соцпедагогön зильö **Татьяна Ивановна Канева**. Уна во чöж уджалöма районса велöдан управлениеын, школаöдзса

велöдöмын специалист. Изьва школаын уджалö 2003 восянь. Сийö рам, бур сёлöма, тöждысь пыр локтö отсөг выло. Сийö окоташпырысь босьтчö классön юрнуодан уджö.

Чөбөг дорö муслунön

Быд школаын эм лыддысянин. Изьваса школаын көть сийö и ичотик, но уджыс сэнi пуö. **Альбина Александровна Ласькова** могмөдö челядьöс небөгъясön 1985 восянь. Кужöмön дасьтö быдсикас тема серти выставка, нуодö библиотекаын урок, тöдмөдö быдмысь войтырöс виль небөгъясön, велöдö кужöмön вöдитчыны кывкудъясön. Таыс кындзи Альбина Александровна юрнуодö 8 «б» классön. Сылысь уджсö выло донъялöны и велöдысьяс, и челядьлön бать-мам.

2011 восянь Альбина Александровналы отсасьö **Наталья Александровна Паршукова**. Велöдчылöма Изьваса школаын. Рам да авъя том нывлы кажитчö висътавны челядлы гижысьяс йылысь.



Натог школаын некыдз!


Химия урок дырйи лабораторной удж вочигон велодысылы пыр колот сасысь. Ставсө ас кадө пыр дасьтө **Вера Архиповна Григорьева**. Сийö лоома лаборантон школа помалом борын. Удж выло босьтөмысь пыр на атгьöалö школаса вöвлөм директор Иван Васильевич Истоминос.



Ныв-зонлон дзоньвидзалун борся видзодö бурдодысь **Лариса Эристовна Дурягина**.

Ичотсянь бура төдöма компьютер да та вöсна 2012 воö локтöма уджавны Изьваса школаö **Дмитрий Николаевич Братенков**. Сийö - техник ЭВМ. Кодкө кö мыйкө оз гогорво компьютерысь либө техникаон уджалогон лоө нелючкитор, отсөг выло локтö тайö том мортыс.

Зэв бура вочö ассыс



уджсö **Анатолий Елизарович Кожевнин**. Уджалö плотникон, весалö-пелькөдö и школа дор. Ко-

ран кö кыткө-мыйкө лөсьодны, дзык пыр локтас.

2012 восянь шоперон уджалö **Александр Леонидович Сметанин**. Медводдзаяс лыдын паныдась челядькөд, вайö найос Константиновка грездысь да Изьва сиктса ыли ингьясысь.

Челядысь паськөм видзöны-дöзбөритöны **Людмила Модестовна**



Исакова да Альбина Васильевна Канева. Людмила Модестовна уджалö Изьваса школаын 5-од во. Таодз дыр кад чөж уджалöма детсадийн пу-



сысьсон да завхозон. Альбина Васильевна уджалö 15 во. Изьва локтöма 1967 воö. Ена пöрадейтi сывны, а Изьваын сэкъя кадö вөлöма зэв бур хор. Та понда и локтöма татчö. Ачыс Куломдин районуясь.

Чöскыда пусьöны-пöжасьöны Изьваса шко-

лаын **Татьяна Васильевна Артеева, Юлия Алексеевна Артеева, Марина Владимировна Лежнева, Людмила Николаевна Канева**, а тасьтi-пань мыськалоны **Наталья Николаевна Бабинова** да **Валентина Вячеславовна Витязева**.

Сöстöма пелькөдчöны школаын да видзöны порадок **Ольга Васильевна Артеева, Ольга**

Александровна Афанасьева, Галина Кузьминична Кожевина, Лидия Ивановна Пантелеева, Наталья Алексеевна Выучейская, Наталья Ни-

колаевна Горячева, Мария Михайловна Истомина, Вера Петровна Канева, Алла Петровна Филишова.

Дöзбөритöны-стөрöжитöны **Василий Иванович Крайнов, Николай Васильевич Канев** да **Галина Николаевна Канева.**

«Коми йöздочан керка»
Коми Республикаса автономной учреждение.
Веськөдлысь
Н.Н.БЫКОВСКАЯ
Гл.редактор
Г.В.МАКАРОВА



Газет панысь:
Печать да юор сетан Коми Республикаса агентствö.
Регистрируйтöма
2007 вося ноябрь 28 лунö йöзлы юор сетом да культураса озырлун видзөм кузя оланпасьяс збыльмөдөм борся видзодысь федеральной службалон Беломорской управлениен.
Регистрируйтан пас:
ПИ №ФС 3-0686.
Социальной төдчанлуна гижодьяссь йöздочан «Коми йöздочан керка» автономной учреждениелы печать да юор сетан КР-са агентствон вичмөдөм сьом выло.



Редакциялөн адрес:
167982, Сыктывкар,
К.Маркс улича,
229-од керка,
401-402 кабинетъяс.
Тел. 24-12-22, 24-36-49.
E-mail: Yologa@mail.ru



Редакцияын уджалысьяс:
том йöзлөн мытшөдьяс юкөнөн веськөдлысь –
Надежда Пунегова;
письмö юкөнөн веськөдлысь –
Екатерина Микушева.



Медводдза лист бокас снимокыс
Изьваса школалөн архивысь.



Авторъяслөн мөвпяс оз пыр лөсявны редакциялөн видзөдласкөд.



Тираж – 718.
Гижодчан индекс – 52099.
«Йолга» газет петö
1991-од восянь
вежоннас отчид, комион.



Печатьö кырымалан кад:
график серти – январь
тöлысьлөн 9-од лунö
16 часын; кырымалöма
печатьö 16 часын.
Газет печатайтöма
«Коми республиканской
типография» ООО-ын дась
оригинал-макетъясысь.
167610, Сыктывкар,
В.Савин улича, 81
Заказ №



«Менам школаӧй медся мича. Сійӧ гзык мӧд горт кодь. Тані ме паныгася аслам ёртъяскӧд. И медыджыд ёртыс менам - школа. Сігзжӧ менам эм кум мам: медводгза велӧдысь Эльза Михайловна, ӧнія классӧн веськӧдлысь Марина Николаевна да аслам мамукӧй».

Валерия Артеева, 5 класс.

«Школаын миян кольӧ челядьдырлӧн унджык кадыс. Тані ми ёртасям, пырӧдчам быгсикас гаж-конкурсас. Шконалӧн чужан лун - зэв ыджыд гаж. Та вӧсна чолӧмала сійӧс Чужан лунӧн!»

Елена Терентьева, 5 класс.

«Миян школаным медся бур! А велӧдысьяс медся шаньӧсь, тӧждысьысьӧсь да вывті уна тӧдӧмунаӧсь. Ме радейта ассьым велӧдчанінӧс. И кӧсья, медым сійӧ пыр вӧлі медводгзаяс лыдын».

Анастасия Чудова, 5 класс.

«Миян школаным ыджыд да вына. А сігзжӧ сійӧ пыр том, шуда да уна рӧма. Школаса мича, мывкыд да шань сьӧлӧма велӧдысьяс пыр гӧгӧрвоасны да воасны отсӧг вылӧ быд ныв-зонлы. Миянлы колӧ видзны школанымӧс да сылысь исторіясӧ».

Валентина Чупрова, 5 класс.

«Миян школаным лабиринт кодь. Тані эм гажыс и шогыс, сьӧкыдлуныс и бур оценокаясыс. Ставыс тайӧ отсалӧ миянлы быдмыны-сӧвмыны. И таысь ми аттьӧалам ассьыным школаӧс!»

Настя Артеева, 10 класс.

Аттӧ тэныд, муса школа!

«Школа - тайӧ ёртъясӧс ағззан ин. Тані миянлы сетӧны бур да олӧмын колана тӧдӧмлун. Радейтана велӧдысьяс миянӧс пыр видзӧны-сӧвмӧдӧны. Школаты пырӧ 180 во! Окота сины сылы пыр мичаммыны да медым эськӧ велӧдчысьлӧн лыдыс пыр соғіс».

Тамара Канева, 10 класс.

«Миян школась петіс уна сюсь йӧз. Ме серти, велӧдчанінным - Изьваса нумаланатор!»

Саша Канев, 5 класс.

«Школаным ыджыд, и тані уна велӧдчысь. Тані эмӧсь шань сьӧлӧма велӧдысьяс, кодьяс быд здукӧ вермасны воны отсӧг вылӧ. Школаын уджалӧ уна сикас кружок, тшӧкыда котыртчывлӧны гаж-оргдйысьӧмъяс. Ме радейта ассьым школаӧс да гӧрдитча, мый велӧдча тані».

Надежда Марченко, 10 класс.

«Школа - тайӧ сэтшӧм ин, кӧні мортныс ағзӧ асьсӧ. Тані нин ми вермам гӧгӧрвоны, коғӧн лоам верстьӧ олӧмас. И тайӧ сьӧкыд бӧрйӧмас миянлы отсӧг вылӧ пыр локтӧны велӧдысьяс. Школа босьтӧ ыджыд ин менам олӧмын. Ӧд татысь ме ағззи ёртъясӧс, сьӧлӧм серти нырвизьяс».

Анастасия Попова, 10 класс.

«Ме зэв ёна радейта ассьым школаӧс да классӧс. Кӧть и важник нин стрӧйбаыс шконалӧн, тані эм уна бур велӧдысь, менам ёртъяс. Нурьясянннным кажитчӧ - вердӧны чӧскыда да донтӧма. Школаӧ ме рагырысь ветла».

Егор Попов, 10 класс.

«Ме шуда, мый велӧдча Изьваса школаын. Тані зильӧны медбур велӧдысьяс. Школа гасьтис миянӧс верстьӧ олӧм кежлӧ, сетіс прамӧй ёртъясӧс. Школа йылысь бур казътылӧмъяс пыр кутасны шонтыны менсьым сьӧлӧмӧс».

Надежда Сапьяник, 10 класс.

«Миян школаным быдӧнлы кажитчӧ. Шань да став сьӧлӧмсӧ сетысь велӧдысьяс оз сӧмын сетны тӧдӧмлун, но и бырӧдӧны майшасьӧм, висьталӧны вильторьяс, нубӧны гажьяс. Аттӧналы ставсьыс!»

Юля Витязева, 10 класс.